

北京圖書館 編

北京圖書館藏珍本
年譜叢刊

第 126 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 126 冊

第一二六冊目錄

一西自記年譜	一
升勤直公年譜	二三七
散樗老人自紀年譜	四三九
竹南居士年譜	五四九

一西自記年譜

余通籍四十餘年雪泥鴻爪多不省記次子應昌屢以
往事未能悉知請述梗概卒卒鮮暇伸紙復停茲以公
餘就所能追溯者信筆記之有事存文案而未由檢視
則言弗能詳姑引其端使後人有考而已繼自今當隨
時瑣錄庶免他日遺忘也道光五年乙酉十二月一西

老人記

按吾宗先世系出橫渠先生世居關中宋理宗時七世孫

忠靖公諱日明任浙西帥幹遂家餘杭爲遷浙始祖

明葉

向高玉堂鑑綱載公博學好古精於兵術知人善任樂善
好賢蘇州府志載公祠在郡城又元和知縣李棠編祭冊

載理宗朝公擢浙西帥幹元兵襲江淮公克復堅守士民
德之尋遷巡視荆宣等處提刑寶祐間元兵再犯江浙公
會兵勦援不克死難贈樞密使諡忠靖春秋崇祀

間由餘杭徙居菱湖為遷湖始祖九傳至 高祖潛齋公

諱浩 歲貢生績學勵行
有隱德里黨稱之

誥贈中憲大夫按察司副使 高祖母陳氏

誥贈恭人 曾祖甸菴公諱廷霖

康熙間為陽穀縣主簿辦濟南
兗州災賑悉心區畫兼出已貲

以助全活甚眾歷陞東平州州判淮安府通判兗州府運
河同知山東按察司副使管理河道相度形勢建清河棗
林石佛等閘河以無潰雍正元年 欽命監督戶部
萬安倉以親老乞養歸捐貲倡建宗祠祀事以修吾湖烏
程歸安德清三邑田賦因明初籍官民田并宋時官田租
額均攤于民故所輸倍他邑公考宋代舊額準之今時同
郡各邑徵額具多寡懸殊之數詳敘一冊集紳士請諸大
吏凡四載卒得上 聞獲減十分之二至今三邑猶

嘉賴
焉

誥授中憲大夫按察司副使

晉贈榮祿大夫福建巡撫加一級 曾祖母慎氏

誥封恭人 繼曾祖母吳氏

誥贈恭人皆

晉贈一品夫人

祖音詮公諱亮

為廣東肇慶府通判有政聲攝海康縣事縣有荒田二千頃為

前令陞科閭閻重困公屢白上官得豁免浮糧銀八千餘兩米千餘石歷署府州縣事多所利濟

勅授承德郎

誥贈榮祿大夫福建巡撫加一級 祖母費氏

勅封安人

誥贈一品夫人 父蓮海公諱春苞

幼苦志力學工詩文善書爲

楓所深賞吾母沈太夫人宅心仁恕明大義吾父得內助益專力下帷然躡於南北鄉閭者數十年嘗以自課之法課余兄弟余與兄鄂樓公及七九兩弟皆髫齡游津鄂樓公由舉人教習知縣歷官至按察使余由翰林歷官至卿貳九弟由舉人聯捷成進士入翰林皆吾父之教也平昔謙謹自持居鄉不妄與一事余兄弟雖竭力奉養而環堵之室二簋之供依然儒素吾家自大父肇慶公以戒殺放生垂訓吾父力行之屠琴臨太守倬著病榻瑣談曾紀其事其勗子孫惟以孝友敦本忠厚存心讀書傳家積德貽後持家儉樸服官清勤爲訓余兄弟恪守弗敢忘公壽八十有四

誥封榮祿大夫福建巡撫加一級 母沈氏

誥贈一品夫人 繼母王氏

誥封一品夫人余兄弟六人余居次

乾隆二十七年壬午歲

七月二十四日丑時余生於湖郡是年我 父賃居東門
尤氏之屋嘗聞我 父言是夜方就寢夢日輪照窗寤而
余生命名師誠及冠字心友號蘭渚晚號一西居士

乾隆二十八年癸未二歲

七月五弟彰生

乾隆二十九年甲申三歲

乾隆三十年乙酉四歲

乾隆三十一年丙戌五歲

自癸未至丙戌數載中我 父偕我 母沈太夫人攜余

與兄鄂樓公形五弟彫及姊氏同至外大父沈均堂公蕪

湖道署時在髻鬣絕不記憶嗣返茗溪典居嚴氏靜遠堂

之屋

不孝謹按先伯父廉訪公行述載癸未甲申之亥先大父攜眷至外曾大父均堂公鳩茲官舍時

大姑母年十一歲伯父年九歲府君年三歲荆堂叔尙在襁褓一家數口扁舟遠涉大母自課伯父書嚴甚每昏定均堂公既退必挑鐙督誦寒暑無間嘗謂一日之書終身之用非熟讀不爲功也伯父有夜課圖紀其事

乾隆三十二年丁亥六歲

始受學于從舅沈景員先生

乾隆三十三年戊子七歲

三月遭我母大故幼而失恃抱恨終天至今追溯音容莫能髣髴僅憶前一年除夕在我母臥闥飲分歲酒杯

墮地孰知卽爲失 母之兆每一思之不勝嗚咽是年
繼母王太夫人至

乾隆三十四年己丑八歲

十月二妹生

乾隆三十五年庚寅九歲

十一月七弟師洵生

乾隆三十六年辛卯十歲

是歲兄鄂樓公入泮余自戊子以後雖屢從師而我 父
自課之日爲多以家居湫隘挈兄與余至天寧寺雨花菴
及莊基村等處讀書

乾隆三十七年壬辰十一歲

始學爲八股文余兄赴都肄業成均

五月九弟師泌生

是年姊氏適同郡太學生莫元亨

乾隆三十八年癸巳十二歲

應烏程縣試余兄在都中與上虞徐百雲編修

諱立綱友

善遂請於我 父爲余聘百雲公長女

乾隆三十九年甲午十三歲

應府試是年我 父赴鄉試挈余同往

乾隆四十年乙未十四歲

是年與五弟同應縣府試受知于邑侯廣東莊公有儀郡

伯寧武楊公

成龍

余兄自京返里互相切劘從舅氏沈平

山先生孝基游

八月三妹生庶母鄧宜人出

乾隆四十一年丙申十五歲

我父以貧乏故命隨兄附糧艘入都就甥館讀書寄籍
順天應試正月啓行途中與兄唱和得詩一卷抵京卽受
業于外舅之門應大興縣試邑侯全椒吳公鰲取列第二
名

乾隆四十二年丁酉十六歲

應順天府試府丞金壇虞公

鳴球

亦取第二名學使司空

長沙羅方城先生

源漢

取第四名入泮卽應是科鄉試仍

遵例改歸本省歸安籍

乾隆四十三年戊戌十七歲

我父典居嚴氏靜遠堂十五載期滿卜浮星橋小屋數
椽遂徙居焉

乾隆四十四年己亥十八歲

由附生捐監應順天鄉試

乾隆四十五年庚子十九歲

隨外舅之安徽學政任

乾隆四十六年辛丑二十歲

外舅歲試和滁廬鳳等府州命余分校兼記室

乾隆四十七年壬寅二十一歲

春夏復隨往和滁等處閱科試卷冬偕外舅之弟立朝回

京程魚門太史晉芳薦余於少司寇姜度香先生晟作記

室兼教讀與歙縣大司農曹文敏公文垣寓廬相近浚蒙

宏獎會稽相國梁文定公國治亦時以筆札相囑

乾隆四十八年癸卯二十二歲

是年鄉試復報罷恭遇

高宗純皇帝六巡江浙擬應

召試臘月遂襪被出京與嘉興陸公以誠同行至蘇州別陸公歸

乾隆四十九年甲辰二十三歲

正月初三日抵湖定省數日卽赴杭州寓府學內昌文祠
候試未幾余兄亦南來三月

翠華臨幸獻頌冊時

召試二百餘人閱卷者無錫相國嵇文恭公

璜

大興相國朱文正

公珪珪蒙自內閣學士尹楚珍先生

壯圖

欽定一等四人俱

賜舉人內閣中書余忝列其首二等吳純等十八人余兄與焉越

日

駕臨敷文書院道旁叩謝奉

命和詩

賜佩囊是爲受

恩之始夏間入都供職在內閣票簽處行走

三月五妹生庶母鄧宜人出

是年浮星橋屋門牆傾圯我父因改建門閭築一堂顏

曰勤教蓋訓課子孫志不少衰也

乾隆五十年乙巳二十四歲

內閣供職二月恭逢

聖駕臨雍敬獻擬雅三篇頌冊

四月就贅外舅京寓成婚

乾隆五十一年丙午二十五歲

故事

聖駕巡幸熱河中秋後進哨軍機章京隨扈者分前後班畱京辦事倘兩班交接之際畱京乏人則派中書數員代辦是年

七月余奉派此役冬挑入軍機處行走同入者全保素納

湛露德克精阿巴克坦布薩榮安管世銘柴模金應琦程

振甲汪彥博

七月十三弟師端生庶母鄧宜人出

閏七月長子應鼎生